

Młodziynioszku miyły,
w tyj dzisiejszyj chwili,
życzymy ci żónki
nade wszystko miyłej,
kolynda, kolynda,
nade wszystko miyłej.

Niech ci sie dostanie
prześwarna i grzeczna,
jak nóm co darujesz,
byndzie użyteczna,
kolynda, kolynda,
byndzie użyteczna.

Byndzie ci warzyła,
byndzie ^uopiyrała,
byndzie ci nad ^uOdróm
bydełko posała,
kolynda, kolynda,
bydełko posała.

Miynsopust nadchodzi,
żynić ci sie godzi,
jak nóm co darujesz,
to ci sie nadgrodzi,
kolynda, kolynda,
to ci sie nadgrodzi.